



## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

De Calamitatum atque etiam morborum causa: à quo nobis & quare  
immitta[n]tur: tum quomodo in iis nos genere oportet. ij.

[urn:nbn:de:hbz:466:1-46214](#)

De Calamitatum atque etiam Morborum causa: & quo nobis, & quare immittantur: tum quoque, quomodo in iis nos gerere debemus.

## CAP. II.

**S**Apientes huius mundi semper mirati sunt, cur haec spræstans hominum natura, tam Diuinis donis ornata: ingenio, intellectu, memoria, & similibus: tot ærumnis & periculis, publicis & priuatis, quorum magnitudo & atrocitas nec oratione percenseri, nec lachrymis satis deplorari possunt: denique etiam Morti, que omnes sine discrimine tollit, exposita sit. Verum sola Ecclesiæ Doctrina, horum ingentium malorum causam indicat fuisse Peccatum: ac totam illam æruminarum molem Natura humana propter peccatum impositam. Nam si primi parentes non peccassent, nullæ calamitates fuissent aut ærume, nulli labores aut dolores, nulli morbi vel defectus. Posteaquam vero homo in Deum peccauit, pœna quoque peccati secuta est. Vide librum Genes. cap. 3. A peccato igitur vita huius Calamitates & ærume, Morbi etiam & defectus: denique Mors ipsa, quam ideo S. Paulus recte peccati stipendum appellavit: utramque mortem significans, temporariam & eternam. Et nunc quoque se penumero morbos delictis nostris attrahimus vel au gemus: nec raro etiam mortem acceleramus.

Proinde de ipsis ita sentiemus: nempe, quod à Deo nobis, quamquam recte propter peccata nostra irato, maxime tamen propitio immittantur. Reuera enim Deus, qui quem corripit, diligit: quando corripit, ad hoc corripit, ut emender: ad hoc emendat, ut seruet. Ego, inquit, quos amo, arguo & castigo. Emulare ergo, & pœnitentiam age. Quam ob rem hoc magni esse beneficij indicium, S. Scriptura pronuntiat: videlicet, ne cum dies iudicij aduenierit, in plenitudine peccatorum, & peccatis nostris

Rom. 6.

Cyprian.lib.  
4. Epistola 4.  
Apoc. 3.

2. Mach. 6.

nostris in finem deuolutis, ita demum Deus in nos vindictet. Itaq; in Calamitaribus, ut etiam in Morbis, cul-  
pam agnoscere, veniamq; à Deo petere debemus: et cum  
Propheta regio clamare, *Justus es Domine, & rectum* Psal. 118.  
iudicium tuum. Sic MAVRITIUS IMP. spectator sup-  
plicij dulcissimorum liberorum, & necis charissima con-  
sueta, oculis in calum sublati, cùm ipse iam quoque tru-  
cidandus esset, exclamauit: *IVSTVS ES DOMINE, ET*  
*RECTVM IVDICIVM TVVM.* In tantis doloribus &  
arumnis Dei iustitie laudem tribuit: quia se iuste puniri propter peccatum intellexit. Testimonium autem Heb. 12.  
diuini erga nos Amoris est, quoties aduersis concutimur  
& calamitatum procellis iactamur. Beatus ergo homo, Job 5.  
qui corripitur à Deo.

Aliquando autem Deus calamitatibus nos & morbis  
affigit: ut nobis tanquam filii in gratiam receptis, di- Vide Euseb.  
sciplinam imponat, fidemq; nostram exerceat, & occa- Eccl. Hist.  
sionem pie vinendi præbeat. Adde & hoc: ut desideriū lib. 7. ca. 206  
Vite aeterna in nobis accendat. Ut enim secundo vento,  
& aere tranquillo navigantes, vertimur ad comedda-  
tiones & fabulas: & securi periculorum, nunc lusibus  
& iocis, nunc ocio & somno tēpus terimus: Si vero atrox  
repente exoriatur tempestas, si strideant vento rudetes,  
si malus curuetur, si frangatur clavis, tum demum Di-  
uinam opem poscimus: ita secundis rebus oscitantes ac  
supini rapimur ad sordidam & voluptates: aduersis  
monemur officij. Quām horribiliter labitur & peccat  
David Rex, rebus secundis: at quām est pius, quam ar-  
dens in precatione, rebus aduersis & cruce pressus? Et 2. Reg. 11.  
enim rebus secundis fit adulter, & tradit sanguinem in- 2. Reg. 14.  
nocentis Virie: numerat populum, alijsq; peccatis Deum  
offendit: in calamitatibus vero præfantissimos componit  
Psalmos, & orat. Ideo dicit: Bonum mihi Domine, quod Psal. 118.

B 4      humilia-

## 24 DE CALAMIT. AC MORB. CAVSA.

4. Reg. 21.

humiliasti me. Sic Manasses instituit cultum idolorū: ac se & urbem totam Hierusalem polluit sanguine innoxio, absq; peccatis suis, quibus peccare fecit Iudam, ut facerent malum coram Domino: abductus autem in captivitatem, postquam coangustatus est, oravit Dominum Deum suum; & egit pénitentiam valde coram Domino. Deprecatusq; est eum intentè. Itaq; verissima est sententia: Mala que vos hic premunt, ad Deum ire compellunt. Ad hac inueniuntur adeo voluptatibus ac rebus terrenis dediti, ut si semper commoda valetudine, & successibus fæciorib; ut possint, Domino Deo suis domicilium Calum libenter relinquerent: at vero, cùm in morbos graues & diuturnos, aut alias calamitates incident, aliter adficiuntur: & peritasi presentis vita æruminose, ad alteram omnis miserie expertem anhelare incipiunt. Unde in Osee dicit Dominus: Ego sepiam viam tuam spinis. Et in Michæa: Surgite, & ite, quia non habetis hic requiem.

Osee 2,7  
Michæa.

Lactant. lib.

5. cap. 23.

Deus ergo, ut peccatores ad emendationem corripit: ita bonos, quos diligit, assiduis sèpè laboribus ad usum virtutis exercet: nec eos caducis & mortalibus bonis corrumpi ac deprauari finit. Unde cùm rebus aduersis vexamur ac premimur, morbisq; conflictamur: tum maxime gratias agere indulgentissimo patri debemus, quod corruptelam nostram non patitur longius procedere, sed plagiis & verberibus emendat: ac nos Patrie meminisse cœlestis, & terrena despicerre, atque ad beatam illam & immortalē Vitam suspirare cogit. Sic Deus ille charus Iob, cùm facultates omnes, ac liberos, ipsam etiam corporis valetudinem amississet, non id solèm patienter tulit, verum etiam hoc nomine Deo gratias egit, dicens: Sit nomen Domini benedictum. Si bona suscepimus de manu Dei, mala quare non suscipiamus? Cuius

etiam

Iob 1. &amp; 2.

etiam exuberantior in eo conspicitur bonitas: quod non plus nostris humeris imponit, neque diutius, quam ferre valeamus: sicut Apostolus Paulus dicit, Fidelis autem 1. Cor. 10.  
 Deus est, qui non patetur vos tentari, supra id quod potestis: sed faciet etiam cum tentatione prouentum, ut possitis sustinere. Ad hec de paterno eius erga nos affectu nihil omnino habentes, sic semper compositi simus, ut quicquid imponit nobis Deus, labenti & alaci animo feramus: utque, siue diutius in terra commorari nos velit, siue exceedere hinc in vitam meliorem iubeat: nostra semper voluntas Divina voluntati consentiat. Hoc Mat. 26.  
 Dominus & Magister noster Iesus Christus, suo nos exemplo docuit: qui appropinquante vita sua fine, tristis ac molestus, ( ut declararet humana natura, quam propter nos assumpserat, veritatem ) procidit in faciem suam, orans & dicens: Pater mi, si possibile est, transeat a me calix iste. Veruntamen non sicut ego volo, sed sicut tu. Et iterum orauit dicens: Pater mi: si non potest hic calix transire, nisi bibam illum, fiat voluntas tua. Qui Mat. 6.  
 etiam nos orare docuit: Pater caelstis, Fiat voluntas tua. Notum quoque est illud, 1. Reg. 111. Dominus est: 2. Reg. 15.  
 quod bonum est in oculis suis, faciat. Et illud Danidis:  
 Praesto sum, faciat quod bonum est coram se.

De Morte naturali, seu corporali: Quid, & unde sit.

**M**ors naturalis siue corporalis, sequela morborum CAP. III.  
 est. Ea autem nihil aliud est, quam corporis animaque dissolutio. Anima namque vitam adserit corpori: inde omnium operum naturalium in corpore humano perfectio: nec aliter quam Sol lucem diei, vitam tribuit carni, cum venerit: mortem efficit, cum recedat. Ita vero Deus humanam naturam considerat: ut nec morbis, nec mortalitati effet obnoxia: unde nec senio corrupti, nec

B 5 morbis

Lactant. de  
Opif. Dei.  
cap. 4. Et,  
Divi. Inst. li.  
2. cap. 13.